

古詩紀

宋第一

詩紀五十五

北海馮惟訥彙編

錢塘李 祕重訂

文帝

諱義隆武帝第二子先封宜都王徐羨之等廢少帝迎帝入承大統後爲元凶劼所

弒

登景陽樓

崇堂臨萬雉層樓跨九成瑤軒籠翠幌組幙翳雲

屏階上曉露潔林下夕風清蔓藻嫋綠葉芳蘭媚

紫莖極望周八險留察浹神京交渠紛綺錯列植

發華英

北伐

季文鑒禍先辛生識機始崇眷

疑作替

非無徵興廢

要有以自昔淪中畿倏焉盈百祀不覩南雲陰但

見胡塵起亂極治方形塗泰由積否方欲除遺氛

矧乃穢邊鄙眷言悼斯民納隍良在已逝將振宏

綱

一作羅

一麾同文軌

孝武帝

諱駿字休龍文帝第三子封武陵王元凶劭弑逆舉兵誅劭遂即大位在位十

一年

○詩品曰宋孝武帝詩南平王鐸詩建平王宏詩孝武詩雕文織綵過為精密為二

藩布慕見
稱輕巧矣

丁督護歌六首

一曰阿督護宋書樂志曰督護歌者彭城內
史徐達之爲魯軒所殺宋高祖使府內直督
護丁旡收斂殯埋之達之妻高祖長女也呼
旡至閣下自問殮送之事每問輒歎息曰丁
督護其聲哀切後人因其聲廣爲曲焉唐書
樂志曰丁督護晉宋間曲也今歌是宋孝武
帝所製云

督護北征去前鋒無不平朱門垂高蓋永世揚功
名

洛陽數千里孟津流無極辛苦戎馬間別易會難

得

督護北征去相送落星墟帆檣如芒櫓督護今何

渠

聞歡去北征相送直瀆浦只有淚可出無復情可

吐

督護初征時儂亦惡聞許願作石尤風四面斷行

旅

黃河流無極洛陽數千里坎軻戎旅間何由見歡

子

樂府作
王金珠

自君之出矣

一云擬室思
玉臺作許瑤

自君之出矣。金翠闇無精。思君如日月。回還晝夜

生。

遊覆舟山

束髮好怡衍。弱冠頗流薄。素想終勿傾。聿來果丘
壑。層峯亘天維。曠渚綿地絡。逢臯列神苑。遭壇樹
仙閣。松塏含青暉。荷源煜彤爍。川界泳遊鱗。巖庭
響鳴鶴。

登作樂山

脩路軫孤轡竦石頓飛轅遂登千尋首表裏望丘
原屯煙擾風穴積水溺雲根漢潦吐新波楚山帶
舊苑壤草凌故國拱木秀頽垣目極情無留客思
空已繁

登魯山

解帆憩通渚息徒憑椒丘粵值風景和升高從遠
眸紀郢窮西路相夢極南流杳哉漢陰水浩焉江
界脩

濟曲阿後潮

宵登毗陵路。旦過雲陽郭。平湖曠津濟。菰渚迭門。
蕪和風翼歸采。夕氛晦山嶠。驚瀾翻魚藻。頽霞照
桑榆。

與廬陵王紹別

連歲矜離心。今茲幸良集。信宿窮晨暮。開顏披所
戢。未盡歡娛懷。已傷岐路及。舳艫引江介。飛旌背
爾邑。悄擾徒旅戒。團欒流景入。遲遲分手念。泫泫
登路泣。

幸中興堂餞江夏王詩

送行悵川逝離酌偶歲陰陰雲掩歡緒江山起別
心

拜衡陽文王義季墓

昧旦憑行軾濡露及山庭投步矜履蹈舉目增淒
清輶路滅歸軫淪闕負重肩溪松朝已霧幽隧晏
未明長楊敷晚素宿草披初青哀往起沈泉追愛
動中情竹帛憑年遠世範隨伏傾

七夕二首

白日傾晚照弦月升初光炫炫葉露滿肅肅庭風

揚瞻言媚天漢幽期濟河梁服箱從奔軺紈綺闕
成章解帶遽迴軫誰云秋夜長夢聚雙情歎念離
兩心傷

開庭鏡天路餘光不可臨
泂風被弱縷迎輝貫玄
鍼斯藝成無取時物聊可尋

夜聽妓

寒夜起聲管促席引靈寄
溪心屬悲絃遠情逐流
吹勞襟憑若辰誰謂懷忘易

詠史

聶政憑驍氣。荆軻擅美風。孤刃駭韓庭。獨步震秦宮。
懷音豈若始。捐軀在命終。雄姿列往志。流聲固無窮。

初秋

夏盡炎氣微。火息涼風生。綠草未傾色。白露已盈庭。
遠視秋雲發。近聽寒蟬鳴。運移矜物化。川上感餘情。

秋夜

局景薄西隅。升月照東垂。肅肅風盈幕。泫泫露傾

枝側聞飛壺急坐見河宿移觀辰念節變感物矜
乖離

四時

南史曰孝武狎侮羣臣各爲稱目柳元景桓
護之雖竝北人而王玄謨獨受老儻之目嘗
爲玄謨作
四時詩

寒
堇茹供春膳粟漿克夏餐庖醬調秋菜白醯解冬

望月

以下二首
文疑闕

寒幕蕩暄氣入夜漸流清微微風始發曖曖月初

明思因往物深悲以歸雲盈

北伐

表裏跨原隰左右御川梁月羽皎素魄皇旗艷

艷許

力切赤光

離合

雲雲起兮汎濫雨靄昏而不消意氣悄以無樂音
塵寂而莫交守邊境以臨敵寸心厲於戎昭閣盈
圖記門滿賓僚仲秋始戒中園初凋池育秋蓮水
滅寒漂言歸塗以易感日月逝而難要分中心而

誰寄人懷念而必謠

悲客他方字

華林都亭曲水聯句

一云華林園效伯梁體

九宮盛事予旒纁

帝

三輔務根誠難亮

揚州刺史江夏王義

策拙紛鄉慙恩望

南徐州刺史竟陵王誕

折衝莫效興民

謗

領軍將軍元景

侍禁衛儲恩喻量

太子右率暢

臣謬叨寵九

流曠

吏部尚書莊

嗾屑廢職方思讓

侍中

明筆直繩天

威諒

御史中丞顏師伯

江夏王義恭

武帝桓美人所生也元嘉中為司徒建武三年為大宰後為廢帝所

殺明帝定亂復舊爵邑諡曰文獻

豔歌行

江南遊湘妃窈窕漢濱女淑問流古今蘭音媚鄭
楚瑤顏映長川善服照通滸求思望襄涇歎息對
衡渚中情未相感搔首增企予悲鴻失良匹俯仰
戀儔侶徘徊忘寢食羽翼不能舉傾首佇春鸞爲
我津辭語

遊子移

三河遊蕩子麗顏邁荆寶携持玉柱箏懷挾忘憂
草綢繆甘泉中馳逐邯鄲道春服候時製秋紈迎

涼造珍魄暉素腕玉迹滿襟抱常歎樂日晏恒悲
歡不早揮吹傳舊美趨謠盡新好仲尼爲輟餐秦
王足傾倒

自君之出矣

自君之出矣
笥錦廢不開
思君如清風
曉夜常徘徊

登景陽樓

丹墀設金屏
瑤榭陳玉牀
溫宮冬開燠
清殿夏含霜
弱縠布遐馥
輕葉振遠芳
彌望少無際
肆睇周

華疆象闕對馳道飛廉矚方塘邸寺送暉曜槐柳
自成行通川溢輕艫長街盈方箱顧此爝火微胡
顏廁天光

彭城戲馬臺集

騁驚辭南京弭節憩東楚懿蕃重遐望興言集僚
侶于役未云淹時遷變溽暑眷戀江水流迴首獨
延佇

溫泉

秦都壯溫泉谷漢京麗湯泉炎德潛遠液暄波起茲